



Siverth K. Heilmann
Atassut

UPA 2023/100
14. april 2023

Innarluutillit kiffartuunnegarnerisa ineriartortinneqarnissaanut aamma annertusarneqarnissaanut suliniuteqarnissaq siunertaralugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq, Hans Peter Poulsen, Siumut)

Siullermik apeqquteqaat aallaavigalugu oqallisissiaqartumut qujanaq, imatullu naatsumik Atassummiit oqaaseqarfigissavarput.

Ilaatigut piffinni tamani tamakkiisumik alloriartoqassappallu inatsisartuni amerlanerussuteqarnikkut aatsaat innarluutillit qineqqusaarutigiinnarnagit, suliniuteqarfiginissaat oqallisissiaqartumiit ilaatigut tikkuarneqarpoq. Ullumikkumut naleqqiullugu tigussaasumik pimoorussamillu suliniutinik aallartitsinissaq pisariaqalersimasoq partii Siumut isumaqarnerarpoq.

Ukiorpasuarni partii Siumut siuttooqataasimasoq naammaginangitsumillu suliniuteqarsimagaanni imminut appisaluussinertut isigisimassaaq. Atassutip kommune-mi inatsisartuni ilaasortaaturt ukiorpasuut matuma siornagulli qineqqusaarutigiinnarnagit, innarluutillit kalaaleqatigut qallunaat nunaanniit Maniitsumut angerlartissimavagut, soorunalumi innarluutilittannguagut inoqatitut naligiittullu sullinneqarnerat nuannaarutigeqisatsinnik manna tikillugu partiit tamatta suleqatigiissutigaarput.

Soorunami innarluutilittagut nunatsinni tamani pitsaanerpaamik sullinneqarnissaasa naleqqussaasariaqarnitsinnilu oqariartuuteqarnera inissaminiilluinnarpoq, taamaattumillu aamma Atassummiit aningaasanut inatsisissap suliarineqarneranut atatillugu, innarluutillit kattuffiat Tilioq immikkut ittumik aningaasaliiffiqineqarnissaa pingaartissimavarput angusaqarfigalugulu.

Tamatta innarluutilittagut utoqqaallu sullinneqarnerat pitsaanerpaaffissaminiitinnissaa sulissutigisigu, taamatut sulissutiginninnerput Atassummiit ingerlateqqissavarput.

Qujanaq.